

24 ФЕВРАЛЯ: Преподобного отца нашего Димитрия,
Прилукского чудотворца.

Вечером 23 февраля

Изменяемое №1

На Господи воззвах:

Стѹх: Изведи из темницы души мою, исповедатися имени Твоему.

Стѹх: Мене ждут праведницы, дондеже воздаси мне.

Стѹх: Из глубины воззвах к Тебе, Господи, Господи, услыши глас мой.

Стѹх: Да будут уши Твои внемлюще гласу моления моего.

Стѹх: Аще беззакония азриши, Господи, Господи, кто постоит; яко у Тебе очищение есть.

Глас 2. Светило великое явися нам днесь, / мир весь просвещающе
Богодарованными чудесы, / отче преподобне. / Якоже источник
неисчерпаемый показался еси, / яко струи чудес точиши исцеления /
верою приходящим ти, блаженне, / и припадающим ко гробу твоему
святому: / даруеши же душам и телесам здравие неоскудно, /
болящим великое врачевание, / чудотворче отче наш Димитрие, / и о
нас ныне молися ко Спасу Христу, / празднующих верою честную
память твою.

Стѹх: Имене ради Твоего потерпех Тя, Господи, потерпел душа моя в слово
Твое, уповая душа моя на Господа.

Славы и чести нынешния не восхотев, / того ради оставил еси твоё
отечество / и, о Бже всячески в мире прославився, чудотворец
явился еси. / Оттуда бо отбежав, в пустыни при водах пребыл еси, / и
паки посреди мира пожил еси, / уединився душою, блаженне, от
мирских / и Божиею благодатию обитель составив, / в нейже,
потрудився, представился еси, / идеже лежат честный мощи твоя. /
Богу бо ты паче прославляюще, / ты же, исцеления от Него прося
приходящим ти с верою, блаженне, / и нас ныне не забуди в
молитвах ко Христу, Спасителю нашему.

Стѹх: От стражи утренняя до ночи, от стражи утренняя, да уповает
Израиль на Господа.

На землі, яко Ангел, по́жил есі в телесі,/ душі́ плоть повинул есі,/ пощ́ением же и воздерж́анием мно́гим/ светлообра́зен всегда́ явля́ясь,/ украсі́ бо ся душо́ю, блаже́нне,/ Святе́й Тро́ице оби́тель тебе́ соде́лал есі./ И дарова́ния чуде́с сподо́бися,/ больны́я и прокаже́нныя исцеля́я/ и стра́ждущим от духо́в нечи́стых прощ́ение подава́я,/ и нас изба́ви от враг ви́димых и неви́димых всегда́,/ прáзднующих святу́ю па́мять твою́.

Стіх: Яко у Го́спода ми́лость, и мно́гое у Него́ избавле́ние, и То́й изба́вит Изра́иля от все́х беззако́ний его́.

Глас 8. Преподо́бне о́тче Димі́трие,/ ты Ева́нгельски Го́спода Бо́га возлюби́л есі,/ Бож́ественное Его́́го/ на ра́мена своя́ взял есі/ и Крест Госпо́день яко ле́гкое Его́ бре́мя понёсл есі,/ не возвраща́ясь на сла́сти вре́менныя,/ и был есі упра́влен в Ца́рствие Бо́жие./ Те́мже и ны́не непреста́нно Христа́ моли́/ спасти́ся душа́м на́шим.

Стіх: Хвалі́те Го́спода все́ язы́цы, похвалі́те Его́ все́ лю́дие.

Преподо́бне о́тче Димі́трие,/ твоєму́ Влады́це Христу́ подража́тель был есі,/ яко́ бо благода́ть Свята́го Ду́ха прия́л есі,/ та́ко и пода́еши исцеле́ние недугу́ющим,/ разсла́бленныя моли́твами тво́ими к Бо́гу/ сотвори́еши здра́вы./ И был есі мона́хом похвала́ и утвержде́ние/ и моле́бник ко Спа́су/ о всех, к тебе́ притека́ющих.

Стіх: Яко утверди́ся ми́лость Его́ на нас, и и́стина Госпо́дня пребы́вает во ве́к.

Преподо́бне о́тче Димі́трие,/ бу́дущия ра́ди жи́зни/ до́блественне моли́твою и постом Бо́гу угоди́л есі/ и неви́димых враг шата́ния и ко́зни попрáл есі,/ си́лою Креста́ Христо́ва укре́пился;/ те́мже и по сме́рти ны́не, ра́дуясь, живёши./ Сего́ ра́ди и мы днесь вопи́ем ти, блаже́нне:/ моли́ Христа́ Бо́га спасти́ся душа́м на́шим.

Сла́ва, глас 8: Укра́шен добродете́лями духо́вными,/ преподо́бне о́тче наш Димі́трие,/ просла́ви бо тя Госпо́дь Бог жити́ем же и чуде́сы,/ в преста́влении же тво́ем ду́ши ве́рных облагоухал есі и телеса́./ И ны́не, блаже́нне, и нас моли́твами тво́ими очісти от вся́ких грехопадéний,/ прáзднующих святу́ю па́мять твою́/ и со стра́хом и любóвию припада́ющих к твоєму́ грóбу чудотво́рному,/ о́браз подо́бия твоего́ любéзно целу́юще./ Не преста́й моля́ся за твоё ста́до Богозва́нное,/ яко́ да ми́лостивый Госпо́дь спасёт ду́ши на́ша.

И ныне, Богородичен: Царь Небесный за человеколюбие на земли явился, и с человеки поживе, от Девы бо Чистыя плоть приемый и из Нея прошедый с восприятием. Един есть Сын, сугуб естеством, но не Ипостасию. Темже совершенна Того Бога и совершенна Человека воистину проповедающе, исповедуем Христа Бога нашего: Егоже моли, Мати Безневестная, помиловаться душам нашим.

<далее см. основной Чин>

Изменяемое №2

Прокімен после «Свѣте тихій»: *См. Прокимен дня <далее см. основной Чин>*

Изменяемое №3

Паримии:

Премудрости Соломони чтение (глава 3):

Праведных души в руце Божией,/ и не прикоснется их мука./ Непщевани быша во очесех безумных умерети,/ и вменися озлобление исход их,/ и еже от нас шествие – сокрушение;/ они же суть в мире./ Ибо пред лицем человеческим, аще и муку приимут,/ упование их безсмертия исполнено./ И в мале наказани бывше,/ великими благодетельствовани будут,/ яко Бог искуси я и обрете их достойны Себе./ Яко злато в горниле, искуси их/ и, яко всеплодие жертвенное, прият я./ И во время посещения их возсияют/ и, яко искры по стebлю, потекут./ Судят языком и обладают людьми,/ и воцарятся Господь в них во веки./ Надлежащие на Него разумеют истину/ и вернии в любви пребудут Ему,/ яко благодать и милость в преподобных Его/ и посещение во избранных Его.

Премудрости Соломони чтение (глава 4):

Праведник, аще постигнет скончаться, в покое будет./ Старость бо честна не многолетна,/ ниже в числе лет исчитается./ Седина же есть мудрость человеком,/ и возраст старости – житие нескверное./ Благоугоден Бoгови быв, возлюблен бысть,/ и живый посреде грешник, преставлен бысть./ Восхищен бысть, да не злоба изменит разума его/ или лесь прельстит душу его./ Рачение бо злобы помрачает добрая/ и парение похоти пременяет ум незлобив./ Скончався в мале, исполни лета долга,/ угодна бо бе Господеву душа его,/ сего ради потщася от среды лукавствия./ Люди же видевше, и не разумеvше,/ ниже положше в помышлении таковоме,/ яко

благодать и милость в преподобных Его/ и посещение во избранных Его.

Премудрости Соломона чтение (главы 5 и 6):

Праведницы во веки живут,/ и в Господе мзда их, и попечение их у Вышняго./ Сего ради примут Царствие благолепия/ и венец доброты от руки Господни,/ зане десницею покрывает я и мышцею защитит их./ Приимет всеоружие рвение свое/ и вооружит тварь в месть врагом./ Облечется в броня правды/ и возложит шлем – суд нелицемерен./ Приимет щит непобедимый – преподобие,/ поострит же напрасный гнев во оружие,/ споборет же с ним мир на безумных./ Пойдут праволучныя стрелы молниины/ и, яко от благокругла лука облаков, на намерение полетят./ И, от каменометныя ярости исполнь, падут грады./ Вознегодует на них вода морская,/ реки же потопят я нагло./ Спротив станет им дух силы,/ и, яко вихор, развеет их,/ и опустошит всю землю беззаконие,/ и злодейство превратит престолы сильных./ Слышите убо, царие, и разумейте,/ навикните, судий концев земли./ Внушите, держащие множества и гордящиеся о народах язык./ Яко дана есть от Господа держава вам/ и сила от Вышняго.

<далее см. основной Чин>

Изменяемое №4

Лития глас 1:

На Небо текущею, отче, стезею ходити изволил еси,/ будущия жизни желая,/ того ради во временней сей жизни, путь узкий шествуя,/ пространная же сладострастия отревая,/ крайнее же житие воздержанием препроводил еси,/ смиреномудрием нижняя славы отбеже,/ вышняго града Иерусалима смотря/ славы же и красоты, и вечным благим наследник явился еси,/ и почесть трудов твоих от Христа прият./ Егоже, Димитрие блаженне, моли о душах наших.

Постником похвалу, днесь Димитрия почтим,/ на земли бо яко Ангела пожившаго,/ ревнителя же Илии Фесвитянина,/ усугубившаго Елиссею благодать духовную./ Сей же своему стаду остави сугубая благоухания,/ Божественных аромат в преставлении своем исполни,/ и по смерти бо процвете чудесы,/ яко древо Богосажденно

при исхо́дищих вод,/ насыща́я днесь ве́рою творя́щих па́мь егѡ
пи́щею духо́вною/ и Спа́су Христу́ служа́щих преподо́бием и
пра́вдою.

Лѣствица Божѣственная и честна́я, на высоту́ добродѣтели
возводя́щая,/ всем яви́ся Богоприятное житіе твоѡ./ Тезоименіт быв
Селу́нскому Димітрию,/ в ми́лости же рачітель тогѡ милосѣрдію
был еси́, преподо́бне:/ он у́бо свой град от погáных изба́ви,/ ты же,
свѣте, иногда́ свой град от междоусѡбныя рáти сохрани́л еси́;/ он
некогда́ от пленѣния челове́ки износя́ на пра́здник свой,/ ты же,
блаже́нне, всегда́ свобожда́я стра́ждущія от нечи́стых бесѡв,/ імя
твоѡ нарица́ющія то́кмо./ Те́мже и мы вопи́ем ти:/ ѡ́тче наш
Димітрие,/ со все́ми свѣты́ми моли́ о нас Еди́наго Человеколю́бца
Христá,/ спаса́ющаго ду́ши на́ша.

Сла́ва, глас 6: Ра́дуйся и весели́ся, Росси́йская всесвяще́нная
Цѣрковь Божія,/ со свяще́нными и с князи благоче́стивыми,/ іноки
же и просты́я/ блаже́ннаго Димітрія днесь па́мь почита́юще,/
духо́вне соше́дшеся, пра́зднуем/ и, честны́й гроб егѡ обсто́яще,/
любе́зно покланя́ющеся,/ мо́лимся, реку́ще:/ ра́дуйся, преподо́бне
Димітрие,/ свѣти́льниче пресвѣ́тлый и врачу́ боля́щим,/
моли́твенниче ко Спа́су Христу́ Бо́гу на́шему/ о іже ве́рою и
любо́вию притека́ющих к тебѣ/ спасти́ся ду́шам на́шим.

И ны́не, Богоро́дичен: Творец и Избавитель мой, Пречистая, Христос
Господь, из Твоих ложе́сн проше́д, в мя оболкийся, первыя клятвы
Адама свободи. Темже Ти, Всечистая, яко Божии Матери же и Деве,
воистинну вопи́ем немолчно: раду́йся, Ангельски, раду́йся,
Владычице, предста́тельство и покрове, и спасение душ наших.

<далее см. основной Чин>

Изменяемое №5

По полиелѣи седа́лен глас 8:

Сладостра́стия но́щь постѡм, ѡ́тче, утоли́в,/ и Бо́гу ду́шу свою́
непоро́чну соблю́л еси́,/ и приѣм от Спа́са благода́ть Свята́го Ду́ха/
исцеля́ти стра́ждущих телесы́ и ду́ши ве́рных просвещáти./ Сего́
ра́ди благодарственнѡ вопи́ем ти:/ Димітрие, ѡ́тче наш,/ моли́ Христá

Бóга/ согрешений прощение даровати/ чтущим любовию святую пáмять твою.

Слáва, и ны́не, Богорóдичен: Воплощённаго Бóга от Твоея утрóбы рóждши, Пречíстая,/ менé, растлённаго грехí, от прилóg лукаваго укрепí, Мáти Божия,/ и сёрдце моё очíсти, Богоблагодатная, мáтерними Твóими молíтвами,/ да и аз благодарно зовú Ти:/ моли́ Христá Бóга, Сы́на Твоегó, Марíе Богорóдице,/ помíловати ста́до Твоё, ёже стяжáла есí, Всенепорóчная.

Изменяемое №6

Степéнна, 1-й антифóн 4-го глáса.

Прокíмен: Честнá пред Господем/ смерть преподóбных Егó. *Стих:*
Что воздáм Господеву о всех,/ яже воздаде ми?

<далее см. основной Чин>

Изменяемое №7

По 50-м псалмé стихíра *глас 6:*

Возлю́блен бысть Бóгом от чрэва мáтерня,/ я́коже другíй Сёргий преподóбный велíкий,/ óтче Димíтрие,/ и с ним благодúшственно Спасíтелю Бóгу угодíл есí,/ и Свята́го Дúха сосúд явíлся есí избрáнный,/ íнокующим жезл крéпости/ и всем трéбующим чудотвóрный подáтель,/ испросí нам от Христá Спáса, чтущím тя,/ вéлию мíлость.

<далее см. основной Чин>

Изменяемое №8

Канóн преподóбнаго Димíтрия *глас 2.*

Песнь 1

Ирмós: Во глубинé постлá иногдá/ фараонíтское всевóинство преоружénная сíла,/ воплóщшееся же Сло́во всезлóбный грех потребíло есть,/ препрослáвленный Госпóдь слáвно бо прослáвися.

Тебé твоегó блажénне, учéния долг приносяще,/ воздáния простира́ем, венéц похвалáми плетúще;/ ты же мíлостив явíся, пребогáте,/ твоими мольбáми благодáть нам подáждь духóвную.

Всегубíтельное стремлénие страстéй, óтче, увядíл есí,/ словéсным объят Богомúдрием,/ благопрéбытен бо был есí и благогласен,/ крóток же и смирен,/ слóвом премúдрости, Димíтрие, и рáзума венчáн.

Священноукра́сил еси́ себе́, о́тче, ра́зумом и де́тельным ви́дением
благода́ти,/ Богоглаго́ливе Дими́трие, жела́я венца́ сла́вы Христо́вы,/ и тво́ю наде́жду изря́дно, преблаже́нне, не погреси́л еси́.

Целому́дрие удержа́л еси́ я́ве,/ кра́йнюю же кро́тость и вы́сокое,
Богonóсе, смире́ние,/ и́миже возвыша́ем,/ трудо́в твои́х де́йством и
ви́дением, ра́дуясь, принесе́ся,/ вене́ц неувяда́емый прие́м.

Богоро́дичен: Тва́рей яви́лася еси́, Чи́стая, всех ви́димых и
невидимых превы́шши, Всенепоро́чная:/ Зижди́теля бо роди́ла еси́,/ я́коже изво́ли воплоти́тися во утробе Твое́й./ Его́же со дерзнове́нием
моли́ спасти́ пою́щая Тя.

Други́й канон преподо́бнаго глас 8.

Песнь 1

Ирмо́с: Пои́м Господеви,/ провед́шему лю́ди Своя́ сквозе́ Че́рное мо́ре,/ я́ко Еди́н
сла́вно просла́вился.

Даждь ми, Христé, мой Спа́се, прощéние мно́гих ми согрешéний,/ я́ко да и мы почита́ем па́мять Твоего́ уго́дника, преподо́бнаго
Дими́трия./ Его́же моли́твами, Бо́же, спаси́ нас.

Твои́ми моли́твами же и мольба́ми ми́лостиваго умоля́й Бо́га,/ преподо́бне о́тче наш Дими́трие,/ и грехо́вный мрак печа́ли нашея
разори́,/ и благоду́шия утешéния нас духовнаго испо́лни.

От младе́нства ты, блаже́нне Дими́трие, позна́н бысть Бо́гом/ и, на
Него́ наде́ясь, наставля́ем на спаси́тельная Его́ повелéния./ Ему́же
ны́не предсто́я со дерзнове́нием, о нас помоли́ся.

Богоро́дичен: Еди́наго от Святы́я Трои́цы Сло́ва и Сы́на роди́ла еси́,
Де́во Пречи́стая,/ Его́же с преподо́бными и пра́ведными моли́ о
рабе́х Твои́х,/ ве́рою прося́щих грехо́в прощéния.

Песнь 3

Ирмо́с: Процвела́ есть пусты́ня, я́ко крин, Господи,/ язы́ческая непло́дящая
це́рковь/ пришéствием Твои́м,/ в не́йже утверди́ся моё се́рдце.

Просия́л еси́ в жити́и твоём, Богonóсе Дими́трие,/ я́коже
всесве́тлое со́лнце в ми́ре,/ и просвети́ и́же к тебе́ ве́рою и любóвию
приходя́щая/ и пою́щая тя.

Просвещаются концы учения твоими, преподобне,/ якоже бо светильник просветил еси, Богонóсе, Цérковь Христóву,/ о Нейже утвердися моё сёрдце.

Непорабощёну соблюл еси дýшу твою страстьми/ и сластьми телесными, Богонóсе Димíтрие всечестне,/ тёмже ныне по достоянию восхваляем тя.

Богорóдичен: Сказуя иногда сокровенное таинство, Отроковице, Тебё дрéвле Гаври́л зовяше:/ радуйся, Божия палáто, в то́же всели́ся вся челове́ки обожí, яко Милосёрд.

Ин

Ирмо́с: Ты еси́ утверждéние притека́ющих к Тебё, Гóсподи,/ Ты еси́ свет омрачénных,/ и поёт Тя дух мой.

Ты еси́, преподобне óтче Димíтрие, послушатель Евáнгельских словéс,/ Самаго́ Гóспода речéнию,/ вся любý мíра сего́ отвéрг и последовал еси́ стопáм Христóвым;/ Емýже с ли́ки А́нгел ныне служа́,/ и о нас моли́ся, чтúщих тя.

В за́кóнех по́стных поучáясь, преподобный/ не осла́бися в начáльных совершénных начáлах, хотя́ угодíти своему́ Гóсподу,/ Емýже желáтельно обеща́ся усёрдно да́же и до кончи́ны,/ дóндеже сын Цáрствия Егó показáся.

Воздержáнием крайним плоть твою́ умертв́ил еси́, Димíтрие,/ сего́ рáди Дýхом Божéственным окрил́вся,/ достíгл еси́ священноначáльных служ́ителей,/ идéже Небéсных Бóжиих слуг безплóтных рáдования.

Богорóдичен: Благословénная, Всенепорóчная Богорóдице Дéво Марíе, Сло́во Божие нам рóждшая,/ свободжáющего Сво́их преподобных от тлénного мíра,/ íхже рáди нас спаса́ющего.

Ин конда́к, глас 3: Жéзлом, свя́те Димíтрие, от Бóга да́нным ти,/ лю́ди сво́я упасé на пáжитех за́кона живонóсна,/ звéря же нев́идимаго шатáние сокруши́ под нóзе тебё пою́щих,/ я́ко да в бедáх тя тéпла предстáтеля íмамы.

Седáлен, глас 3: Исправлénие жити́я твоего́ всем просвещáет стопы́, Димíтрие óтче,/ во́истинну вéрою подóбным ти ся;/ тёмже, íже

любо́вию блажа́т тя всегда́,/ спаса́й моли́твами твои́ми от вся́кия тесноты́,/ Христа́ Преблага́го моля́,/ преподо́бне блаже́нне досточу́дне.

Сла́ва, и ны́не, Богоро́дичен: Я́ко невозде́ланная, Де́во, Лоза́, красне́йший грозд прозябла́ еси́,/ источа́ющ нам вино́ спасе́ния,/ всех веселя́щее ду́ши же и телеса́./ Те́мже я́ко вино́ Тя до́брых блажа́ще при́сно,/ со А́нгелом вопи́ем Ти:/ ра́дуйся, Благода́тная.

Песнь 4

Ирмо́с: Прише́л еси́ от Де́вы не ходата́й, ни А́нгел,/ но Сам, Го́споди, вопло́щся,/ и спасл еси́ всего́ мя, челове́ка./ Тем зову́ Ти: сла́ва си́ле Твое́й, Го́споди.

Ты, Дими́трие, ино́кующим бысть ве́нец,/ не ка́мением многоце́нным укра́шен, но добродете́лю обло́жен,/ яви́лся еси́, блаже́нне, Богорадовáнное вои́стинну украше́ние.

Божество́нную, Богому́дре, почел еси́ премудо́рость:/ те́мже дарова́нии ты сия́ ода́ри,/ сла́ву ве́чную тебе́ ходата́йствовавши,/ о́тче Дими́трие всече́стне.

Све́тлостию нрав твои́х и о́бразы бла́гости,/ преподо́бне Дими́трие, подо́бне пожи́л еси́,/ те́мже присту́пен ты всем бысть,/ всеблаже́нне и пречу́дне.

Богоро́дичен: Умерщвле́ния плод нам Е́ва принесе́,/ Ты же, Жизнь ро́ждши Ипостáсную,/ áбие исправи́ла еси́ род наш, Богоневéсто Пречи́стая.

Ин

Ирмо́с: Услы́шах, Го́споди,/ смотре́ния Твоего́ та́инство,/ разуме́х дела́ Твоя́/ и просла́вих Твое́ Божество́.

Рачи́тель сый ми́лостиваго Спаси́теля Христа́ твоего́,/ е́же ми́лостивно к Нему́ наказу́я не ктому́ согреша́ти,/ разсла́бленную жену́ исцели́л еси́, я́коже при купе́ли иногда́.

Яко́же дре́во воздержáния, при вода́х насажде́н был еси́, о́тче блаже́нне,/ и благо́раслена лоза́ яви́лся еси́, износя́ благоче́стия гро́зды.

Не восхотé славы сéя тлénная,/ пáче князя всячески
благочестíваго,/ Царю Небéсному хотя угодíти,/ от Него́же по́чень
трудóв своих прíят нетлénную.

Богорóдичен: Бывшее под лéтом Слово,/ Возсиявшаго от Отца́
безлётно Богомáти нам родилá есí,/ Егóже моли́ спасти́ пою́щая Тя.

Песнь 5

Ирмós: *Ходáтай Бóгу и челове́ком был есí, Христé Бóже:/ Тобо́ю бо, Владыко, к
Светоначáльнику, Отцу́ Твоему́,/ от но́щи неведения/ приведéние имáмы.*

Стремлénие страстéй безстра́тием удержáл есí,/ Богонóсе
Димíтрие,/ видéнии и дея́нии просветíл есí, óтче, душéвное
устроéние.

Умóм чíстым и писáнии духóвными бесéдовал есí,/
Богоглагóливе Димíтрие,/ видéния и дея́ния собрав богáтство, óтче
преподóбне.

Премúдрости глубинú испытáв, Димíтрие,/ достíгл есí обрестí,
елíко благопотрéбно,/ и бíсер многоцénный болéзнями стяжáл есí,
преблажénне, рáзума.

Богорóдичен: Се во чрéве, Богорóдице Пречистáя, Христá Бóга пáче
сло́ва имéла есí,/ я́коже Исáия провозгласí,/ и вýше естества́ Сего́,
Богородíтельнице, родилá есí.

Ин

Ирмós: *У́треннююще, вопиéм Ти,/ Гóсподи: спасí ны,/ Ты бо есí Бог наш,/ рáзве
Тебé, ино́го не вéмы.*

А́ще и земнóе отéчество, блажénне Димíтрие, оста́вил есí,/
всячески Богоименíтну обíтель совокупíл есí:/ тéмже пéрвое
отéчество Небéсное прíят,/ со дерзновéнием Христú за ны моли́ся.

Благочéстия пáки на стезю́, Димíтрие, наста́влен был есí, óтче,/ от
Бóга к негíблемому наслаждéнию, постóм и моли́твою в Вýшняя
привéдся.

Зелó мíлостива и страннопри́ймца показá тя Спас наш мíрови,
óтче,/ врачá боля́щим, Димíтрие,/ сýрым и убóгим застúпника
любéзна.

Богорóдичен: Войстинну Тя, Мáтерь Божию, исповéдуем, íстинную
Богорóдицу,/ Тво́йм Рождествóм тлénнаго осуждéния

избáвльшиися,/ милосéрдия рáди Чело́веколю́бца Бо́га к жи́зни
нетле́нной по́звани бы́хом.

Песнь 6

Ирмо́с: В бе́здне грехо́вней валя́ясь,/ неизсле́дную милосéрдия Твоего́ призыва́ю
бе́здну:/ от тли, Бо́же, мя возведи́.

Вселенней свети́ло пресве́тлое, о́тче, яви́лся еси́, Дими́трие,/ словéс све́тлостью просвещáя/ véрою и любви́ю к тебе́ притека́ющия.

Блаже́нное жити́е прошéл еси́,/ назда́в у́бо чу́вства, вне был еси́
мирска́го мятежа́/ и Бо́гу прибли́жился еси́, Дими́трие.

Яко́ добр, яко́ красén венéц,/ и́мже ны́не венча́лся еси́, премудре
Дими́трие,/ добродéтелями венча́ем,/ и над страстьми́ ца́рствовал
преизря́дне.

Богорóдичен: Вы́ше естества́ родила́ еси́, Де́во, и вéчнуеши Де́ва,/ я́вльши и́стиннаго Божества́ Сы́на и Бо́га Твоего́ о́бразы.

Ин

Ирмо́с: Ри́зу мне пода́ждь светлу,/ оде́йся све́том, я́ко ри́зою,/ Многоми́лостиве
Христé, Бо́же наш.

В ду́шх своéй Божéственна бoгáтства Ду́ха Свята́го собра́в,/ непорочну моли́тву и чистоту́ красноле́пну,/ бде́ние и воздержáние,/ сего́ рáди жили́ще Святе́й Трoице яви́ся.

Ри́зную ху́дость имéл еси́, пребога́те,/ в зимé же и лéте не
пременя́я, болезненно претерпéл еси́ Бо́га рáди соверше́нно;/ те́мже
Небе́снаго прия́тия насле́дник бы́ти сподо́бился еси́.

На земли́, я́ко А́нгел, Бо́гу послужи́л еси́ вся́чески,/ и ны́не у Него́
со Безплóтными и с преподо́бными/ рáдостно лику́еши,
преблаженне Дими́трие,/ благоухáния же чудéс нам испусти́л еси́.

Богорóдичен: Божéственное Сло́во в ложесна́х Твои́х прия́ла еси́,
Богорóдице Де́во Мари́е,/ и па́че естества́ родила́ еси́./ Егóже мо́ли от
бед вся́ких нас избáвити рабы́ Твоя́, пою́щия Тя.

Конда́к, глас 8: От ю́ности, преподо́бне, крест твой взял, Христу́
последовал еси́,/ в моли́твах и поще́ниях, во бде́ниях же и
злострада́ниях плоть твою́ изнуря́я;/ те́мже и Всеви́дющее О́ко, твоя́

**труды́ вѣдев,/ чудесы́ ты прославля́ет и всехъ зва́ти тебѣ́ навча́ет:/
ра́дуйся, преподо́бне о́тче Дими́трие, по́стников удо́брение.**

Икос: Божественными добродетельми твоими себя, мудре, украсил еси,/ Спасу Христу жилище соделав, отче, мужественне:/ якоже злато, искусился еси верою к Богу и, надежду и любовь обеты полагая,/ воздержанием постився, яко безплотен,/ в целомудрии и во смирении вознеслся еси./ Темже и мы, молитвами твоими просвещшеся,/ преподобне Димитрие, вопием ти:/ радуйся, яко из младая Богу послужил еси;/ радуйся, притекающим к тебе спасения ходатаю;/ радуйся, христоименитым людем похвала и утверждение;/ радуйся, яко твоими молитвами сопротивнии побеждаются;/ радуйся, яко всем просящим даеши дар, от Господа дарованный ти, исцелений;/ радуйся, яко и чудесы твоя Бог прославляет и всех звати тебе научает;/ радуйся, преподобне отче Димитрие, постников удобрение.

Песнь 7

Ирмѡс: Богопротѣвное велѣние беззакѡннующаго мучителя/ высокъ пламень вознесло есть;/ Христѡс же простре Богочестѣвым отрокомъ росу духовную,/ Сынъ благословѣнъ и препрославленъ.

Благоухают, преподобне, твоих учений словеса, благодатию Духа сияюще,/ Божество бо Единое чтый в Трёх Лицах, Слова же воплощение поя,/ благоухаеши нас, пребогате.

Ума́ чистото́ю и по́мысла, Богоразу́мня свѣтлостію житі́е прешѣл
есѣ́,/ чистото́ю же телесѣ́ и дѣвства сия́нием/ изрядно возложѣ́ние
явлься́ Всевѣ́дцу и Вседержі́телю.

Слѡво твоѣ, сѡлию раствѡрено, и житиѣ твоѣ, благодѣтию,
преблѣженне, сияя, явѣся, пречудне;/ тѣмже в вѣшнія обѣтели,
радѡяся, вселѣлся еси,/ Христу со дерзновѣнием нынѣ предстоѣ.

Богородичен: Управляющи, Пречистая, моё житиё, к Твоему
всётихому пристанищу направи,/ Бóга рóждши, благих истóчника,/
всем подающа вёрным нетлénия благодáти.

ЙН

Ирмѹс: От Иудѣи дошѣдше, ѡтроцы/ в Вавилѡне иногда/ вѣроу Трѡическою
плѣмень пѣщный попрѣша, поюще:/ ѡтцев Бѡже, благословѣн еси.

Иже иногда притекающих, преподобне Димитрие, к твоему чудотворному гробу с верою,/ кающихся к Богу грехов своих,/ мольбами твоими скорченных человек рuce исправил еси, блаженне.

Иже иногда злочестиваго ратника Божественною силою отринул еси от святого твоего гроба,/ и, не улучив помилования, вскоре обою животу лишися таковой.

Иже иногда благочестно благоговейнии людие твоими, святе Димитрие, молитвами,/ иногда же кроплением святыя воды священныя,/ различная исцеления приемлют, припадающие к чудотворному твоему гробу.

Богородичен: Избавихомся вси от страстей, и бед, и обстояний, и недугов многообразных/ мольбами Твоими, Пречистая Богомати,/ Спасу Христу зовуще:/ отец наших Боже, благословен еси.

Песнь 8

Ирмос: Пещь иногда огненная в Вавилоне действия разделяше,/ Божиим велением халдеи опаляющая,/ верныя же орошающая, поющая:/ благословите, вся дела Господня, Господа.

Венец благолепен Христос Живодавец на верх твой положи, тезоимените Димитрие,/ ибо деяньми просиял еси и видении явился еси, зовый:/ благословите, вся дела Господня, Господа.

Все прешед чувство, преблаженне,/ уму первому приблизился еси/ души твоея чистотою, жития же светлостию,/ венценом Димитрие, зовый:/ благословите, вся дела Господня, Господа.

Желанием зельным, преблаженне,/ изследил еси Богоносного Сергия великаго житие Божественное,/ жизни светлостию поревновал еси, прехвальне,/ быв убо и собеседник сего изряден воистинну.

Богородичен: Ум безстрастен во утробе Твоей соединяется человеческому уму, Пречистая,/ плоти же дебельством под летом быв лет превышший./ Тем Тя, Богородице, верою и любовью славим.

Ин

Ирмос: Царя Небеснаго,/ Егоже поют вои Ангельстии,/ хвалите и превозносите во вся веки.

Столп одушевлённый, óтче Димитрие, и истóчник неоскúдный
войстинну,/ слепыя просвещáя, разсла́бленныя укрепля́я и бёсы
прогоня́я/ не то́кмо у грóба, но и на мёстех, идёже íмя твоё
нарица́ют с любóвию.

Яко́же други́й Или́я, яви́вся,/ сугúбу благода́ть нам дал еси́,/ тво́я
честны́я мо́щи, точи́ти исцелёния трéбующим,/ явлéнием же тво́им и
по смёрти, преподóбне óтче Димíтрие,/ иных злых устраша́я и па́че
иным исцелёния творя́ вёрным.

Иногда́ прорóческим да́ром от Бо́га, блаже́нне, почтён был еси́,/
всячески же трéбующим мiлостив показовался еси́/ и ны́не, óтче
Димíтрие, мiлостивому Спа́су за ны моли́ся,/ воспева́ющия и
превознося́щия Егó во ве́ки.

Богорóдичен: Ра́дуйся, престóле Господень огнезра́чный,/ ра́дуйся,
двёре невест́ственного блиста́ния./ Ра́дуйся, о́блаче, Со́лнце
возсия́вший Пра́ведное – Христа́ Спа́са на́шего,/ Егóже превозно́сим
во ве́ки.

Пёснь Богорóдицы: Вели́чит душа́ моя́ Го́спода: *<см. основной Чин>*

Песнь 9

Ирмо́с: *Безнача́льна Роди́теля Сын, Бог и Господь,/ вопло́щся от Дёвы, нам
яви́ся/ омраче́нная просвети́ти, собра́ти расточе́нная./ Тем Всепётую
Богорóдицу велича́ем.*

Пречестны́й Димíтрие,/ ны́не чи́сто улажда́йся и пи́щу приёма́
па́че у́мныя,/ идёже собо́ри святы́х о́крест Го́спода ликуют,
блаже́нне,/ íже ты ны́не чту́щия, ходатайству́я, к себё привле́цы.

Преше́л еси́, ра́дуясь, желáнием в рай,/ к еди́ному войстинну
блаже́нству, к пребо́льшей добрóте,/ и к жи́зни войстинну
нестаре́ющейся, и Свёту Невече́рнему,/ Богоно́сне óтче Димíтрие.

Я́ко Со́лнце просия́л еси́ в мона́шеских собо́рах,/ от млады́х ногтёй
освящён был еси́,/ яко́же зарю́, испущáя добродётели твоегó жити́я,/
пресла́дкий Димíтрие, Богоно́се óтче преподóбне.

Богорóдичен: Разуме́вше изда́леча прозорли́выма очима́, прорóцы/
Тя я́ве провозвести́ша, хотя́щую Ма́терь бы́ти Вседётелю, Влады́це
всех,/ тем Тя, Всепётая, Богорóдицу испове́дуем.

Ин

Ирмос: Воистинну Богородицу,/ Тя исповедуем,/ спасеннии Тобою, Деве Чистая,/ с Безплотными лики Тя величающе.

Явлением Божественным сияеши, отче Димитрие преподобне,/ якоже обещался еси, блаженне,/ молитвою град твой сохранил еси от хотящих воевати без вины люди твоя, святе.

От Бога показался еси нам целитель, недугующим в падениях,/ очистник же, блаженне, и прогонитель лукавым духом,/ тем ты вси величаем.

Аще и преставился еси от нас, отче Димитрие,/ в храмах Божественных Святей Троице предстои,/ храм Духу Святому был еси:/ молися за вся христиане, иноки же и простцы, тебе величающия.

Богородичен: Воистинну, Богородице, Тобою спасшиися, исповедуем Тя,/ Дево Владычице,/ яко родила еси нам Бога Спасителя,/ Единого от Троицы Сына и Слова, Крестом разоршаго смерть,/ Егоже о нас с преподобным Димитрием моли, Тебе величающих.

<далее см. основной Чин>

Изменяемое №9

Светилен:

Мирскаго пристрастия яко от скверны уклонился еси,/ и алчбою плоть увядил еси, отче,/ и Небесною славою со Ангелы обогатился еси./ Темже непрестанно моли о нас Христа Бога, преподобне Димитрие.

Слава, и ныне, Богородичен: Ты предстательницу имамы вси грешнии,/ о Пресвятая Дево!/ Ты благопремenna сотвори Сына Твоего Матерними Твоими молитвами.

<далее см. основной Чин>

Изменяемое №10

На стиховне стихиры *глас 5:*

Радуйся, священная главó,/ преподобне отче наш Димитрие,/ Ангельским ликом собеседниче в Вышних;/ на земли бо добродетельно пожил еси/ и явился пречисто и нескверно зерцало,/ Духа Святаго зарями блистая, пребогате,/ и, озаряем, зрел еси

бўдушая./ Тёмже Христá Бóга молí/ подáти дўшам нáшим вéлию мíлость.

Стих: Честнá пред Гóсподем/ смерть преподóбных Егó.

Рáдуйся, священнáя главó,/ пóстников непоколебíмый стóлпе/ и непобедíмый побóрниче,/ стрaстéй посека́я корéния,/ бéсов стремлéния погубíл есí,/ крéстным ору́жием вся кознодéйства отгоня́я,/ и по преставлéнии твоём жив Святéй Трóице предсто́иши,/ за ны моля́ся,/ даровáти душáм нáшим вéлию мíлость.

Стих: Блажén муж, боя́йся Гóспода,/ в за́поведех Егó восхóщет зелó.

Рáдуйся, священнáя главó,/ преблажénне Димíтрие,/ молíтвою врагí устрашáя/ и не́истовыя на святýню судóм Божиим смéрти преда́й,/ с вéрою же приходя́щим стрáстныя недúги отгоня́я,/ и кóрчащиеся рúце исправля́я,/ и бéсы от человек прогоня́я,/ молíтвою же и священнýю водý кроплéнием/ мнóгим исцелéния пода́я./ Христý помолíся/ даровáти душáм нáшим вéлию мíлость.

Слáва, глас 8: Преподóбне óтче наш Димíтрие,/ тво́я мóщи честнýя обíльно источáют всегда́ исцелéния/ вéрою приходя́щим к твоёмú грóбу,/ благоухáния всех исполня́я духóвнаго/ и тьму бесóвскую далéче отгоня́я,/ свéтом благочéстия вёрных сердцá озаря́я./ Тёмже мóлим тя, рабí твой/ всякаго навéта вра́жия нас избáвити,/ я́ко да рáдостною душéю святóе твоé успéние духóвно прáзднующе,/ прославля́ем Спáса нáшего, тебé прослáвльшаго,/ Едíнаго во святýх Сво́их Бóга нáшего.

И нýне, Богорóдичен: Влады́чице, примí молíтву раб Тво́их/ и избáви нас/ от всякия нýжды и печáли.

<далее см. основной Чин>

Утром 24 февраля

Изменяемое №11

По 1-м стихослóвию седáльны глас 3:

Я́ко Безплотен, на землí, óтче, пожíл есí,/ превознося́щагося врагá смири́л есí,/ темже и нýне с невещéственными во́инства водворя́еши, блажénне,/ íже тамо, блажénства наслажда́ясь,/ и нас помина́й, прáзднующих пáмять твою́ днесь,/ да вси рáдостными

гласы воспевáем Спáса нáшего Иису́са Христá,/ благодáть тебé даровáвшего исцелéний.

Слáва, и ны́не, Богорóдичен: <далее см. основной Чин>

Изменяемое №12

По 2-м стихослóвии седáльны *глас 4:*

Яко со́лнце, возсия́в,/ заря́ми блиста́еши все́му ми́ру/ изда́леча чудесы́ тво́ими,/ чудотво́рче Димíтрие,/ светно́сче блаже́нне, преподо́бным похвалá.

Слáва, и ны́не, Богорóдичен: <далее см. основной Чин>

Изменяемое №13

Тропа́рь *глас 1:*

Свѣ́ше от Бо́га, преподо́бне, благодáть прия́л еси́ духо́вную/ и от Него́ у́бо позна́лся еси́, блаже́нне,/ того́ ра́ди и ты ду́хом позна́л еси́ лу́чшая Его́, бу́дущаго ве́ка пребыва́ние,/ и по́стнически испытáвся во сво́их оби́телях./ И ны́не, со А́нгелы ликовству́я,/ Спáсу всех за ны моли́ся, свя́те Димíтрие,/ да всѣ́ вопи́ем:/ сла́ва Да́вшему ти крѣ́пость./ Сла́ва Венча́вшему тя./ Сла́ва Де́йствующему тобо́ю всем исцелéния.

Ин тропáрь, глас 1:

Свѣ́ше от Бо́га преподо́бне, благодáть прия́л еси́, Димíтрие пресла́вне,/ и Того́ си́лою укре́пляем,/ Ева́нгельски ходи́ти изво́лил еси́,/ отону́ду же и от Христá возме́здие трудово́м обрѣ́те, всеблаже́нне,/ Его́же моли́/ спасти́ся душáм нáшим.

<далее см. основной Чин>

Изменяемое №14

На хвалíteх стихíры:

Стíх: Сотвори́ти в них суд напíсан./ Сла́ва сия́ бу́дет всем преподо́бным Его́.

Стíх: Хвалíte Бо́га во святы́х Его́,/ хвалíte Его́ во утвер́жении си́лы Его́.

Стíх: Хвалíte Его́ на си́лах Его́,/ хвалíte Его́ по мно́жеству вели́чества Его́.

Глас 5. Преподо́бне о́тче,/ ду́шу твою́ с те́лом очíстив,/ и Свято́му Ду́ху прекра́сная оби́тель яви́ся,/ и сла́вна ты конце́м, преблаже́нне Димíтрие, соде́ла./ В чудесéх же вели́каго светíльника, просветíвшего сущих во мра́це,/ я́ко наста́вника йно́ком, соше́дшеся, велему́дренно ублажи́м.

Стíх: Хвалíte Его́ во гласе́ тру́бнем,/ хвалíte Его́ во псалти́ри и гу́слех.

Преподобне отче,/ дýшу твою с тѣлом очисти́в,/ и Свято́му Дýху прекрасная обитель явися,/ и сла́вна ты конце́м, преблаже́нне Димíтрие, соде́ла./ В чудесе́х же вели́каго свети́льника, просвети́вшего сýщих во мра́це,/ я́ко наста́вника и́ноком, соше́дшеся, велему́дренно ублажи́м.

Стíх: Хвалíte Егó в тимпа́не и ли́це,/ хвалíte Егó во стру́нах и орга́не.

Яви́лся еси́, Богоблаже́нне,/ му́драя плени́ца, связу́я мно́гая враг ополче́ния,/ те́мже и венце́м увязлсся еси́ неувяда́ющим,/ весе́лие, и ра́дость и сла́ву ве́чную восприя́л еси́, Богому́дре Димíтрие./ Моли́ Христá Бо́га/ дарова́ти мир ми́рови и душáм нáшим ве́лию ми́лость.

Стíх: Хвалíte Егó в кимвáлех доброгласных, хвалíte Егó в кимвáлех восклицáния./ Всякое дыха́ние да хва́лит Го́спода.

Преподобне отче,/ телесны́я стра́сти зельным воздержáнием/ и по́стническими моли́твами же и труды́,/ слéзными пото́ки и поты́ у́гля слáдости погаси́л еси́,/ и в чудесе́х сла́вна ты показá Господь россия́нским лю́дем,/ Димíтрие блаже́нне,/ и украси́ ты вы́шними дарова́нии,/ Емýже служи́ши с Небе́сными си́лами,/ Иисýсу Человеколю́бцу и Спа́су душ нáших.

Сла́ва, глас 6: Прииди́те, празднoлю́бцы/ и по́стник сослoвие,/ ве́рою соше́дшеся,/ и́стиннаго по́стника днесь почита́юще:/ ра́дуйся, шéствовав по стопáм Владыки Христá узкий путь и безстра́стно жити́е,/ я́коже дрéвле Авраáм пра́ведный,/ oтче Димíтрие,/ страннoлю́бие притяжа́в, пресели́лся еси́ от oт́чества твоегó/ до ме́ста, иде́же ны́не благоухáет исцелéния честнoе тéло твое́ всем притека́ющим и вопи́ющим:/ о всеблаже́нне и преподобне!/ По́стником похвалó и собесéднике Безплóтным,/ правове́рному во́инству нáшему на погáныя спосо́бниче/ и наста́вниче и́ноком,/ о нас моли́ся Христý Бо́гу спасти́ дýши нáша.

И ны́не, Богорóдичен: <см. основной Чин>

Изменяемое №15

Кондак глас 8:

От ю́ности, преподобне, крест твой взём, Христý послéдовал еси́,/ в моли́твах и поще́ниях, во бде́ниях же и злострада́ниях плóть твою́ изну́ряя./ Те́мже и Всеви́дящее О́ко твоя́ труды́ ви́дев,/ чудесы́ ты

прославляет, и всех звати тебе научает:/ радуйся, преподобне отче Димитрие, постников удобрение.

Ин кондак, глас 3:

Жезлом, святе Димитрие, от Бóга данным ти,/ лю́ди своя упасе́ на па́житех зако́на живонóсна,/ зве́ря же неvíдимаго шата́ние сокруши́ под но́зе тебе́ пою́щих,/ я́ко да в беда́х тя те́пла предста́теля има́мы.

<далее см. основной Чин>

На Литургии

Изменяемое №20

Прокимен, *глас 7*: Честна́ пред Го́сподем/ смерть преподо́бных Егó.

Стих: Что возда́м Госпо́деви о всех, я́же воздаде́ ми?

Изменяемое №21

Аллилу́йя, *глас 6*: Блаже́н муж, боя́йся Го́спода, в за́поведех Егó восхо́щет зело́. *Стих*: Си́льно на земли́ бу́дет се́мя Егó.

Изменяемое №22

Прича́стен: В па́мь вéчную: